

HIT 94 CUMPLIENDO TRES AÑAS DEN RADIO DIFUSION

ORANJESTAD(AAN) -- Ayera Hit 94 a cumpli su tercer aniversario. Na e ocasion aki DIARIO a hiba combersacion cu e director Johnny Habibe kende a duna un resumen di su 28 añanan di experiencia den radio difusion.

Johnny, no ta un desconoci den comunidad. El a traha na diferente radioemisora prominente den comunidad y su aporte na e radioemisoranan aki tabata hopi.

El a cuminsa traha na Voz di Aruba na 1968 despues el a bay na Radio Kelkboom, Radio Carino, Caruso Booi FM Stereo, Radio Antillana.

E ultimo radioemisora cu Johnny a traha pe tabata Galactica caminda e tabata fungi como e gerente. Awe, Johnny por mira atras ariba un carera exitoso cu a culmina den su propio radioemisora.

For di basta tempo caba, Johnny tabata cana cu e idea aki. Aki por mira cu si bo pone un meta bo dilanti y bo lucha, bo ta logra.

Ademas di radioemisoranan na Aruba, Johnny tambe a traha na Radio Hooier 1 y 2 na Curaçao. Na Bonaire el a yega di produci programa riba transworld ra-

dio mientras cu na Venezuela tambe e ta hopi conoci.

Na Venezuela, Johnny a traha na Radio Caracas 750, RQ 910, Exitos 107 y Hot 94.

Johnny durante su carera como locutor di radio, a sa di presenta programanan di hopi nivel cu a marca historia. E programanan cu el a destaca ta: Discolandia 1320, Amanecer 1320, Turntable 70, Arubas Top 20 pa mas di 20 aña y e famoso Johnny's Goldies na Radio Carina den añanan 80.

Johnny na e ocasion aki kier a gradici Don Albertico Arends, Carlos Kelkboom,

Albert Diefenthaler, Hubert Booi en paz descanse.

Tambe e ta gradicido na Marcel Granier di RCTV, Clemente Vargaz jr., Eduardo Morel que en paz descanse, Manuela Corea, Felix Alberto.

Hit 94 a dreña den aire comercial dia 11 di Februari 1993 y oficialmente dia 15 di Februari 1993.

Den apenas tres aña di existencia, Hit 94 a modernisa y bira un di e emisoranan mas moderno den Caribe pa loke ta trata tecnologia di Radio.

DIARIO por a constata e sistema computerisa ultra moderno cu Hit 94 ta conta cune.


Johnny a indica cu den e

mundo di radio difusion, locutornan nunca lo caba di siña. El a mustra cu tin hopi cu a cuminsa y ta kere cu ya nan ta cla y ta lubida cu e caminda ta largo y sin final.

E ta haya cu ser un locutor ta un carera interesante caminda bo ta haya bo cu hopi sorpresa cu ta yuda bo crece como locutor.

DIARIO por a constata cu e personal di Hit 94 ta manera un famia completo caminda Johnny ta e tata y su señora Aurora e mama.

DIARIO ta felicita Johnny y tur e personal di Hit 94 pa e tres aniversario aki y ta desea nan tur clase di exito pa e plannan cu Hit 94 tin pa worde realisa.



AMERICAN AIRLINES

"Algo special den Caribe"
tin mester di hendenan special pa traha

Ainda nos tin vacatura pa traha part time den
departamento di Seguridad
pa dreña servicio de inmediato y permanente
minimum 4 ora pa dia/20 ora pa siman

Exigencianan minimo:

- Mester por papia y scribi Ingles, Spaño, Hulandes y Papiamentu
- Edad minimo 21 aña
- Educacion minimo: M.A.V.O. 4 diploma of equivalente

Si bo ta interesa pa participa den e team di security di American Airlines, por favor pasa busca un formulario di aplicacion na oficina di American Airlines na Aeropuerto. Ultimo dia pa entrega formulario ta 20 Februari 1996. Bo no mester tin experiencia den seguridad. Awor ta bo chens pa join un linea area cu ta ofrece bon beneficioman. Pasa awe mes.



TA PARTICIPA

En connexion cu Parada Grandi nos lo ta sera
diadomingo febr. 18, 1996 henter dia. Pero
dialuna nos lo duna servicio di lunch di 12'or pa
3'or y dinner di 6:30 pa 10'or.

Por fabor haci reservacion adelanta pa bo
tambe disfruta di un dushi pida pisca serca nos.